

গণপ্রজাতন্ত্রী বাংলাদেশ সরকার
উপজেলা নির্বাহী অফিসার কার্যালয়
পীরগঞ্জ, ঠাকুরগাঁও।
pirganj.thakurgaon.gov.bd

অক্টোবর ২০২৩ খ্রি: মাসের উপজেলা আইন শৃংখলা কমিটির সভার কার্যবিবরণী :

সভাপতি : মোঃ শাহরিয়ার নজির
উপজেলা নির্বাহী অফিসার
পীরগঞ্জ, ঠাকুরগাঁও।

তারিখ : ০৯ অক্টোবর ২০২৩ খ্রি:

সময় : সকাল ১০.৩০ টা

স্থান : উপজেলা পরিষদ সভা কক্ষ।

সভাপতি সভার শুরুতে উপজেলার আইন শৃংখলা কমিটির সকল সম্মানিত সদস্যকে স্বাগত জানান। তিনি উপজেলার বর্তমান আইন শৃংখলা পরিস্থিতিতে সন্তোষ প্রকাশ করেন। সভায় বিগত সভার কার্যবিবরণী পাঠ করে শোনানো হয় এবং কোন সংশোধনী না থাকায় তা সর্বসম্মতিক্রমে দৃঢ় করা হয়।

আলোচনার শুরুতে বিগত মাসে পীরগঞ্জ উপজেলায় আইন শৃংখলা পরিস্থিতির সার্বিক অবস্থা সম্পর্কে সকলকে অবহিত করার জন্য অফিসার ইনচার্জ পীরগঞ্জকে বলা হলে তিনি বিবেচ্য মাসের অপরাধ চিত্রের তুলনামূলক বিবরণী তুলে ধরেন।

১. উপজেলার সার্বিক আইন শৃংখলা পরিস্থিতি : সেপ্টেম্বর ২০২৩											
খানার নাম পীরগঞ্জ	চুরি	সড়ক দুর্ঘটনা	খুন	অপহরণ	নারী নির্যাতন ধর্ষণ/অন্যান্যভাবে	শিশু নির্যাতন	চোরাচালান	পুলিশ আক্রান্ত	মাদক দ্রব্য	অন্যান্য	মোট মামলা
আগস্ট	০১	-	-	০১	০১	-	-	-	১৩	১৬	৩৩
সেপ্টেম্বর	-	-	-	০১	০৪	-	-	০১	১৮	১১	৩৫

২. মোবাইল কোর্ট পরিচালনার তথ্য : সেপ্টেম্বর ২০২৩

অভিযানের সংখ্যা		মামলার সংখ্যা	অভিযুক্ত ব্যক্তির সংখ্যা	সাজা (বিনাশ্রম কারাদণ্ড)	জরিমানা (টাকায়)
জুলাই	০২	০৪	০৪	০৩ জনকে ০৬ মাস করে বিনাশ্রম কারাদণ্ড	৫,০০০/-
সেপ্টেম্বর	০৪	০৭	০৭	০২ জনকে ০৬ মাস করে বিনাশ্রম কারাদণ্ড	৮,২০০/-

আলোচ্য সূচি-১ : পীরগঞ্জ উপজেলার সার্বিক আইন শৃংখলা পরিস্থিতি সম্পর্কে আলোচনা :

সভায় পুলিশ বিভাগের পক্ষ হতে জানানো হয় যে, বর্তমানে এ উপজেলার আইন শৃংখলা পরিস্থিতি ভালো রয়েছে। সেই সাথে চুরি-ছিনতাই, দস্যুতা, জুয়া খেলা মাদকসহ সকল প্রকার অপরাধ নিয়ন্ত্রণে পুলিশসহ সাধারণ জনগণকে সজাগ দৃষ্টি রাখতে বলেন। সংশ্লিষ্ট সকলকে বিভিন্ন রকম অপরাধের তথ্য দিয়ে পুলিশ প্রশাসনকে সহযোগিতা করার অনুরোধ জানান।

আলোচ্য সূচি-২ : আইন শৃংখলা পরিস্থিতি বিষয়ে ইউনিয়ন ভিত্তিক আলোচনা :

চেয়ারম্যান, ০৫ নং সৈয়দপুর ইউ.পি. জানান, এ ইউনিয়নে শশ্মান ও কবরস্থানের জায়গা রয়েছে। কিন্তু খ্রিস্টানদের কবরস্থানের জায়গা নাই। খাস জমিতে খ্রিস্টানদের কবরস্থানের জায়গার বিষয়ে প্রয়োজনীয় পদক্ষেপ গ্রহণের বিষয়ে উপজেলা প্রশাসনের হস্তক্ষেপ কামনা করেন।

চেয়ারম্যান, ০৯ নং সেনগাঁও ইউ.পি. জানান, পুলিশ বিভাগের অভিযানের ফলে মাদক ও জুয়ার প্রবণতা কিছুটা কমেছে। এ জন্য তিনি পুলিশ বিভাগকে আন্তরিকভাবে ধন্যবাদ জানান এবং অভিযান অব্যাহত রাখার জন্য উপজেলা প্রশাসনসহ পুলিশ বিভাগকে অনুরোধ জানান।

এছাড়াও অন্যান্য চেয়ারম্যান, পীরগঞ্জ উপজেলার ইউনিয়নসমূহের সার্বিক কার্যক্রম ও পরিস্থিতি ভালো রয়েছে মর্মে উল্লেখ করেন।

আলোচ্য সূচি-৩ : আইন শৃংখলা পরিস্থিতি বিষয়ে উন্মুক্ত আলোচনা :

সভাপতি, দুর্নীতি দমন কমিশন সভায় জানান, পৌরসভার যানজট নিরসনে ফুটপাথ দখলমুক্ত হয়েছে। এ জন্য তিনি উপজেলা প্রশাসনকে ধন্যবাদ জানান এবং প্রক্রিয়াটি অব্যাহত রাখার জন্য অনুরোধ জানান। ফলে, পীরগঞ্জ পৌরসভার যানজট কিছুটা হলেও নিয়ন্ত্রণে থাকবে।

মেয়র, পীরগঞ্জ পৌরসভা জানান, কবরস্থানের জায়গা দখল করে আরও ০১ টি নতুন ঘর তৈরী করা হচ্ছে। কবরস্থানের জায়গা দখলমুক্ত রাখার বিষয়ে প্রয়োজনীয় পদক্ষেপ গ্রহণ করা হবে। এ বিষয়ে তিনি সংশ্লিষ্ট সকলের সহযোগিতা কামনা করেন।

আলোচ্য সূচি-৪ : চোরচালান নিরোধ এবং সন্ত্রাস ও নাশকতা প্রতিরোধ বিষয়ক আলোচনা : ৪২ ব্যাটলিয়ান

ক্রঃ নং	বিওপি'র নাম	উদ্ধার	আসামী	মন্তব্য
১	ফকিরগঞ্জ	৩১ বোতল ভারতীয় অফিসার্স চয়েজ মদ, ১৭ বোতল ভারতীয় পিইটার ক্যাট মদ ও ১৬ বোতল হিমালয়ান বিয়ার ভারতীয় মদ	-	সর্বমোট মূল্য = ৯৬,০০০.০০ টাকা
২	চান্দেহাট	৫৯ বোতল ভারতীয় মদ, ৪০ বোতল ভারতীয় ফেন্সিডিল, ৩৭৫ গ্রাম ভারতীয় গাঁজা, ১৩ টি ইলিশ মাছ, ০১ টি মোটর সাইকেল, ০২ টি ভারতীয় মোবাইল, ০২ টি সিম, চার্জার, ০১ টি হেডফোন	০৫ জন	সর্বমোট মূল্য = ৩,৯৯,০৬০.০০ টাকা।

ক) সীমান্ত সংলগ্নে যেন গরু, ছাগলসহ মানুষজন শূন্য রেখায় প্রবেশ না করে সেজন্য সংশ্লিষ্ট ইউনিয়ন পরিষদ চেয়ারম্যানগণসহ সকলের সহযোগিতা কামনা করেন।

খ) সীমান্ত এলাকায় ০৩ ফুটের অধিক ফসল না লাগানোর বিষয়ে কৃষকগণকে নিরংসাহিত করতে হবে। এ বিষয়ে প্রয়োজনীয় ব্যবস্থা গ্রহণের জন্য সংশ্লিষ্ট ইউনিয়ন পরিষদ চেয়ারম্যানগণসহ সকলের সহযোগিতা কামনা করেন।

গ) সীমান্তে চলাচলের কাঁচা রাস্তা বর্ষা মৌসুমে অনেক স্থানে ভেঙ্গে গিয়েছে। রাস্তাগুলি মেরামতের জন্য অনুরোধ জানান।

ঘ) গোবিন্দপুর ক্যাম্পে ৫০ টি বিভিন্ন প্রজাতির গাছের চারার জন্য অনুরোধ জানান।

আলোচ্য সূচি-৫ : বাল্য বিবাহ প্রতিরোধ :

সভায় আলোচনা করা হয় যে, বিভিন্ন জায়গায় হঠাৎ করে মাঝে মাঝে বাল্য বিয়ে হচ্ছে। প্রতিটি ইউনিয়ন পরিষদ থেকে নিয়মিতভাবে হুক আকারে তথ্য প্রদান করতে হবে। এ বিষয়ে ইউনিয়ন চেয়ারম্যানগণ তৎপর হবেন। বাল্য বিয়ের কুফলগুলি সম্পর্কে স্কুল, কলেজ ও মাদ্রাসার প্রধান শিক্ষকদের মাধ্যমে বেশি বেশি ক্যাম্পইন করে জনসচেতনতা বৃদ্ধি করার বিষয়ে প্রয়োজনীয় পদক্ষেপ গ্রহণ করতে হবে।

সভাপতি বলেন যে, স্কুল পর্যায়ে উপজেলা মাধ্যমিক শিক্ষা অফিসারের মাধ্যমে প্রতিটি স্কুলের প্রধান শিক্ষকগণ বাল্য বিবাহ, মাদকাশক্তি, কুরুচিপূর্ণ কথা/আচরণ, মোবাইল আশক্তি জুয়াসহ অন্যান্য খারাপ দিকগুলি নিয়ে আলোচনা, সেমিনার/বিতর্ক প্রতিযোগিতা আয়োজন করার বিষয়ে সিদ্ধান্ত গৃহীত হলো।

আলোচ্য সূচি-৬ : মাদকদ্রব্য নিয়ন্ত্রণ ও প্রচারণা সংক্রান্ত আলোচনা :

সভায় আলোচনা হয় যে, যুব সমাজের মধ্যে মাদক ব্যবহারের হার বৃদ্ধি ও বিষয়টি উদ্বেগজনক। পারিবারিক নজরদারির পাশাপাশি তিনি এ বিষয়ে সকল শ্রেণির জনগণের মধ্যে সচেতনতা সৃষ্টিসহ সামাজিক আন্দোলন গড়ে তোলার আহ্বান জানান। স্কুল কলেজে মাদকাশক্তি, কুরুচিপূর্ণ কথা/আচরণ, মোবাইল আশক্তি জুয়াসহ অন্যান্য খারাপ দিকগুলি নিয়ে আলোচনা, সেমিনার/বিতর্ক প্রতিযোগিতা আয়োজন করার বিষয়ে সভায় সিদ্ধান্ত হয়। সীমান্তবর্তী ইউনিয়নের লোকজনকে অবৈধভাবে সীমান্ত অতিক্রম ও চোরচালান থেকে নিবৃত্ত রাখতে নিয়মিত সভা সমাবেশ করার অনুরোধ জানান। প্রয়োজনে সংশ্লিষ্ট ইউনিয়ন পরিষদ চেয়ারম্যানগণসহ সংশ্লিষ্ট সকলের সহযোগিতা কামনা করেন।

আলোচ্য সূচি-৭: ইউনিয়ন আইন-শৃঙ্খলা কমিটির সভা অনুষ্ঠান :

সভাপতি বলেন যে, সকল ইউনিয়নে ইউনিয়ন আইন-শৃঙ্খলা কমিটি ও ইউনিয়ন মাসিক সমন্বয় সভা নিয়মিত অনুষ্ঠান নিশ্চিত করতে হবে এবং উক্ত সভার কার্যবিবরণী আবশ্যিকভাবে সচিবগণের মাধ্যমে জেলা প্রশাসক মহোদয়ের কার্যালয়সহ উপজেলা নির্বাহী অফিসারের কার্যালয়ে প্রেরণ করতে হবে। সভায় বিট পুলিশিং এর কার্যক্রম জোরদার করণের জন্য সভায় পুলিশিং বিভাগের প্রতি অনুরোধ জানানো হয়। ইউনিয়ন কমিটির সভায় বিজিবির কোম্পানী কমান্ডারদের অংশগ্রহণ নিশ্চিত করার বিষয়ে সভায় একমত পোষন করা হয়।

গ্রাম আদালত সম্পর্কিত আলোচনা: সভায় গ্রাম আদালতসমূহের আগষ্ট ২০২৩ খ্রি: মাসের নিম্নরূপ তথ্য উপস্থাপন করা হয় :

ক্র:নং	ইউনিয়ন ভিত্তিক গ্রাম আদালতের নাম	পূর্ববর্তী মাসের মামলার জের	বিবেচ্য মাসে দায়েরকৃত মামলার সংখ্যা	মোট মামলার সংখ্যা	বিবেচ্য মাসে নিষ্পত্তিকৃত মামলার সংখ্যা	অনিষ্পন্ন মামলার সংখ্যা	মন্তব্য/সিদ্ধান্ত
১	ভোমরাদহ	০৫	০২	০৭	০৩	০৪	অনিষ্পন্ন মামলাসমূহ দ্রুত নিষ্পত্তির ব্যবস্থা গ্রহণ করতে হবে। বাস্তবায়নে : ইউপি চেয়ারম্যান (সকল)।
২	কোষারানীগঞ্জ	৩২	০২	৩৪	-	৩৪	
৩	খনগাঁও	০৭	০২	০৯	০৬	০৩	
৪	সৈয়দপুর	১০	০১	১১	০২	০৯	
৫	পীরগঞ্জ	০৭	০৭	১৪	০২	১২	
৬	হাজীপুর	০৪	০৭	১১	০৫	০৬	
৭	দৌলতপুর	০২	০৭	০৯	০২	০৭	
৮	সেনগাঁও	০৬	০২	০৮	০৪	০৪	
৯	জাবরহাট	০৩	০৫	০৮	০৪	০৪	
১০	বৈরচুনা	২৫	০৩	২৮	০৮	২০	
মোট		১০১	৩৮	১৩৯	৩৬	১০৩	

চেয়ারম্যান, উপজেলা পরিষদ, পীরগঞ্জ, সভায় জানান, আসন্ন শারদীয় দূর্গা উৎসব যেন সুন্দর ও সুষ্ঠুভাবে পরিচালিত হয়। এ জন্য তিনি সংশ্লিষ্ট সকলের সহযোগিতা কামনা করেন এবং যেন এমন কোন ইস্যু তৈরী না হয়, যাতে করে আইন শৃংখলার অবনতি না ঘটে। এ জন্য তিনি উপজেলা প্রশাসনের মাধ্যমে পুলিশ বিভাগের দৃষ্টি আকর্ষণ করেন এবং প্রয়োজনীয় পদক্ষেপ গ্রহণের অনুরোধ জানান।


উপজেলা আইন-শৃঙ্খলা কমিটির সিদ্ধান্ত নিম্নরূপ : সভায় বিস্তারিত আলোচনাস্তে সর্বসম্মতিক্রমে নিম্নরূপ সিদ্ধান্ত সৃষ্টি হয়।

ক্রঃ নং	সিদ্ধান্ত	বাস্তবায়নকারী (জৈষ্ঠতার ক্রমানুসারে নয়)
১	জমি দখল, মুক্তিপন আদায়, মাদক, জুয়া, বিভিন্ন রকম চুরি, চাঁদাবাজি ইত্যাদির মাধ্যমে সৃষ্ট অপরাধ প্রবণতার হার হ্রাসে প্রচেষ্টা অব্যাহত রাখতে হবে এবং অপরাধ দমনে প্রয়োজনে অভিযান বৃদ্ধি করতে হবে।	১। মেয়র, পীরগঞ্জ পৌরসভা ২। সহকারি কমিশনার (ভূমি), পীরগঞ্জ ৩। অফিসার ইনচার্জ, পীরগঞ্জ থানা ৪। ইউনিয়ন পরিষদ, চেয়ারম্যান (সকল)
২	০৫ নং সৈয়দপুর ইউনিয়নের খাস জমিতে খ্রিস্টানদের কবরের জায়গার বিষয়ে প্রয়োজনীয় পদক্ষেপ গ্রহণ করতে হবে।	১। সহকারি কমিশনার (ভূমি), পীরগঞ্জ ২। অফিসার ইনচার্জ, পীরগঞ্জ থানা ৩। ইউনিয়ন পরিষদ, চেয়ারম্যান (সকল)
৩	লোহাগাড়া বাজার, খনগাঁও ইউ.পি.'র স্বাস্থ্য কমপ্লেক্স এবং লোহাগাড়া ব্রিজের সামনের অবৈধ স্থাপনা উচ্ছেদের উদ্যোগ নিতে হবে।	১। সহকারি কমিশনার (ভূমি), পীরগঞ্জ ২। অফিসার ইনচার্জ, পীরগঞ্জ থানা ৩। চেয়ারম্যান, ৩ নং খনগাঁও ইউ.পি.
৪	বাল্যবিয়ে, যৌতুক ও নারী নির্যাতন বন্ধে সকল পক্ষকে সচেতন থাকতে হবে। এ বিষয়ে মোবাইল কোর্ট অব্যাহত রাখতে হবে।	১। উপজেলা নির্বাহী অফিসার, পীরগঞ্জ, ২। অফিসার ইনচার্জ, পীরগঞ্জ থানা ৩। ইউনিয়ন পরিষদ, চেয়ারম্যান (সকল)
৫	সীমান্তে ০৩ ফুটের অধিক ফসল না লাগানোর বিষয়ে কৃষি বিভাগ ভূমিকা রাখবেন। গবাদিপশু যেন সীমান্ত অতিক্রম না করে সেদিকে খেয়াল রাখতে হবে। সীমান্তে চলাচলের জন্য ৪০ দিনের কর্মসূচি থেকে মাটি ভরাটের কার্যক্রম গ্রহণ করতে হবে এবং গোবিন্দপুর ক্যাম্পের জন্য ৫০ টি বিভিন্ন প্রজাতির গাছের চারা বিতরণের উদ্যোগ গ্রহণ করতে হবে।	১। উপজেলা কৃষি কর্মকর্তা, পীরগঞ্জ ২। বিট বন কর্মকর্তা, পীরগঞ্জ ৩। ইউনিয়ন পরিষদ, চেয়ারম্যান (সকল) ৪। কোম্পানী কমান্ডার, বিটপি (সকল)



৬	ইউনিয়ন পর্যায়ে আইন-শৃঙ্খলা ও সমন্বয় কমিটির সভা নিয়মিত করতে হবে এবং সেখানে বিজিবির উপস্থিতি নিশ্চিত করতে হবে। আবশ্যিকভাবে কার্যবিবরণী সচিবগণের মাধ্যমে নিয়মিত উপজেলা কমিটির নিকট প্রেরণ করতে হবে। গ্রাম আদালতকে কার্যকর করতে গুরুত্বারোপ করতে হবে।	ইউনিয়ন পরিষদ, চেয়ারম্যান (সকল)
---	--	----------------------------------

সভায় আর কোনো আলোচনা না থাকায় সভাপতি কর্তৃক সকলকে ধন্যবাদ জানানোর মাধ্যমে সভার সমাপ্তি ঘোষণা করা হয়।



(মোঃ শাহরিয়ার নজির)

উপজেলা নির্বাহী অফিসার

ও

সভাপতি

উপজেলা আইন-শৃঙ্খলা কমিটি

পীরগঞ্জ, ঠাকুরগাঁও।

স্মারক নং- ০৫.৫৫.৯৪৮২.০০৯.০১.০০১.২৩-৭৭২

তারিখ : ২৪ আশ্বিন ১৪৩০
০৯ অক্টোবর ২০২৩

বিতরণ: সদয় অবগতি/অবগতি ও কার্যার্থে (জ্যেষ্ঠতার ক্রমানুসারে নয়)

- ১। মাননীয় জাতীয় সংসদ সদস্য ৫, ঠাকুরগাঁও- ৩।
- ২। জেলা প্রশাসক, ঠাকুরগাঁও।
- ৩। পুলিশ সুপার, ঠাকুরগাঁও।
- ৪। চেয়ারম্যান, উপজেলা পরিষদ, পীরগঞ্জ, ঠাকুরগাঁও।
- ৫। মেয়র, পীরগঞ্জ পৌরসভা, পীরগঞ্জ, ঠাকুরগাঁও।
- ৬। পীরগঞ্জ, ঠাকুরগাঁও।
- ৭। ভাইস চেয়ারম্যান/ মহিলা ভাইস চেয়ারম্যান, উপজেলা পরিষদ, পীরগঞ্জ, ঠাকুরগাঁও।
- ৮। চেয়ারম্যান,..... (সকল) ইউ.পি, পীরগঞ্জ, ঠাকুরগাঁও।
- ৯। অফিস নথি।



উপজেলা নির্বাহী অফিসার

পীরগঞ্জ, ঠাকুরগাঁও।